



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Petri Chrysologi Archiepiscopi Ravennatis, viri
eruditissimi atque sanctissimi, Sermones In Evangelia De
Dominicis & festis aliquot solemnioribus totius anni,
insignes & peruetusti**

Petrus <Chrysologus>

Lvgdvni, 1623

In illud Matthæi, Attendite ne iustitiam vestram faciatis coram hominibus,
& c. Et de eleemosyna. Sermo IX.

[urn:nbn:de:hbz:466:1-50232](https://nbn-resolving.org/urn:nbn:de:hbz:466:1-50232)

In illud Matthæi, Attendite ne iustitiam vestram faciatis coram hominibus, &c. Et de eleemosyna. Sermo IX.

Agit nobiscum Deus, agit in hoc sæculo, ne quid nobis pereat in futuro: sicut ex ipso lucet principio lectionis. *Attendite, inquit, ne iustitiam vestram faciatis coram hominibus, ut videamini ab eis: alioquin mercedem non habetis apud patrem vestrum, qui in cælis est.* Et quomodo quod fit ab hominibus, coram hominibus non fit? patentis iustitiæ latet sensus, publici operis quod secretum? Qui potest celare radios solis, iustitiæ poterit occultare fulgorem. Iustitia lux rerum cõciliis non velatur obscuris. Iustitia cum sibi factò claret, omnes illustrat exẽplo. Et quid est quodd eam Dominus coram hominibus fieri non vult, per quam statum capiunt res humanæ? Et ubi est illud? Sic luceat lux vestra coram hominibus: ut videant opera vestra bona, & glorificent patrem vestrum qui in cælis est. Quomodo iustitiam vult celare cuius opera vult sic elucere? Fratres hic præceptio cœlestis vult iactantiam tollere, auferre pompam, vanitatem demerere, summoerere inanem gloriam: sic iustitiam vult celare. Iustitia, quæ per se sibi abundat ad gloriam, spectaculum populi, vulgi laudes, fauores hominum, mundi gloriam nõ requirit: à Deo genita cœlum spectat, in oculis agit diuinis, sapernis virtutibus mixta semper à Deo solo, ut glorificetur, expectat. Sed hæc est iustitia, quæ ex Deo est: illa vero iustitia quæ est hypocrisis, iustitia non est, mentitur oculis, fallit aspectum, videntibus illudit, decipit audientes, seducit turbas, trahit populos, famam vendit, emit clamorẽ, fit seculo. Deo non fit, mercedẽ rapit præsentem, præmium non quærit in futuro, cæcat oculos, cæca ipsa non videns vult videri, propter quam cæcitatem Christus præsentem

Matt. 6.

Matt. 5.

præsenti sic inchoat in præcepto. *Attendite. Hoc est, ne gestiatis attendi. Ne iustitiam vestram faciatis coram hominibus. Quare? Ne videamini ab eis.* Et si visi fueritis: quid? *Mercedem non habetis apud patrem vestrum, qui in cœlis est.* Fratres, hic Dominus nō iudicat, sed exponit, pandit cogitationū dolos, secreta mentiū nudat, iniuste iustitiam tractantibus modum iustæ retributionis indicit. Iustitia, quæ se humanis oculis locat, diuini patris non potest expectare mercedem: voluit videri, & visa est; voluit hominib. placere, & placuit, habet mercedem quam voluit: præmium quod habere noluit, non habebit. Qua verò de causa sint hæc præmissa, ex sequentibus audiamus. *Cum facis eleemosynam, noli tuba canere ante te: sicut hypocrite faciunt.* Bene tuba, quia talis eleemosyna hō stilis est, non ciuilis, non misericordiæ dedita, sed clamori: seditionis vernula, non alumna pietatis: ostentationis nūdinatio, non commercium charitatis. Eleemosynam quisquis ostentat, insultat. *Tu, inquit, cum facis eleemosynam, noli tuba canere ante te: sicut hypocrite faciunt in Synagogis, & in vicis, ut glorificentur ab hominibus. Amen dico vobis receperunt mercedem suam.* Audistis quemadmodum notat eleemosynam in conuentu, in plateis, in triuiis, nō impensam ad leuamen pauperum, sed hominum propositam ad fauorem, ut probetur misericordiam vendere, non donare. Fugienda est hypocrisis, fugienda fratres quæ captiua gloriæ verecundiam pauperū nō reuelat, sed fatigat: quæ de gemitu inopis pōpam suæ gloriationis inquirit quæ suā laudē dilatat pauperis ex dolore, quæ de miseria petentis famā suæ ostentationis expandit. Sed dicit aliquis. Ergo in conuentu, in plateis, in triuiis, neganda est misericordia: non præbendus est victus? Plane & in omni loco, & in omni tempore facienda est misericordia, præbendus est victus

ctus

etus, nuditas est tegenda: sed sic quomodo docuit mi-
 sericordiae author, vt misericordia nõ terræ sit nota,
 sed celo nõ hominibus insinuata, sed Deo. In plateis,
 in triuiis suum pietas habet secretum: è contra platea,
 triuium est, cum in secreto facit hypocrita nil secre-
 tum. Fratres, Deus monendo sic vota culpat, non lo-
 ca: sensum, non opera: studium, non datorem: arguit
 largientem ad suam famam, non ad pauperis fa-
 mam: iudicat non vbi facias, quando facias, sed qua-
 liter facias: quia Deus de cordibus, non de ma-
 nibus facta meretur: & de sensu, non de locis ope-
 rum colligit qualitatem. Misericordiam coram se so-
 lum vult fieri, qui solius est misericordiae, & remune-
 rator, & testis, & qui dicit: Esuriui, & dedistis mihi mā.
 ducare. Vult in paupere sibi dari: & qui vult sibi dari,
 vult quod datum est se debere, & qui vult se debere
 quod datum est: vult largientibus nil perire. Deus par-
 ua poscit, maxima redditurus. Vnde homo si in pau-
 pere Deo fœneras, testes homines non requiras: fides
 arbitros non requirit. De accipientis fide disputat, qui
 sine mediatorib. nil dat: qui credita diffamat, vrit ve-
 recundia debitorem. Ergo homo daturus Deo, da se-
 creto: vt quod dederis, non sit oneris, sed honoris. Ob
 hoc ad te venit tuus ditator in paupere, vt eum non
 dubites accepta reddere, qui tibi gratis dedit habere
 quod dares. Quam verò in paupere sit verecūda pau-
 pertas, quod largitatis tuæ quærat secretū, aperit ip-
 se, cum dicit: *Te autem faciente eleemosynam, nesciat sini-*
stra tua quid faciat dextera tua. Putas quam vult nesci-
 re alterum: qui te ipsum qui facis, vult aliqua tui par-
 te nescire? *Nesciat sinistra tua quid faciat dextera tua.*
 Sicut sunt nobis in dextera parte virtutes, ita nobis
 pars vitiorum in sinistra. Ergo vt opus est dexteræ,
 quod facit tacitus dator, quid facit dator garrulus, hy-
 pocritis

Mat. 9.

pocrisis est sinistra. Hypocrisis dolus, simulatio, fraus, mendacium, elatio, tumor, iactantia, insistant nobis, & imminent à sinistris. Quoties ergo nobis cum bonitate, pietate, cum misericordia causa est, nesciat hoc sinistra. Sinistra est, quæ nobis animarum prælia semper indicit, & ne virtutes in effectum veniant, elaborat. Ne sit pietas, impietas agit: ne eleemosyna vindicet, cupiditas pugnat, furti auaritia, ne misericordia conualescat, ne innocentia, puritas, simplicitas, sanctitas regnet, hypocrisis sola confligit, quam Christus à nobis tali prædicatione secludit: *Te autem faciente eleemosynam, nesciat sinistra tua quid faciat dextera tua.* Fratres, in hoc sæculo fugiamus quæ à sinistris sunt, si in futurum à dextris desideramus astare, & audire. Venite benedicti patris mei, percipite regnum, quod vobis paratum est ab origine mundi. Homo, da in terra pauperi, quæ tibi manere vis in cælo. Homo, commilita hic pauperi, si vis ibi regnare cum ipso Domino nostro Iesu Christo, qui est benedictus in sæcula sæculorum, Amen.

Matth. 2.

In Psalmum XXVIII. Sermo X.

OMnes qui arduas operum subleuant, & solantur angustias, probant ad solatium laboris datam nobis naturaliter cantilenam. Hinc nautæ cantu superant marina discrimina, hinc immensa pondera adducunt leuamine canticorum, hinc viantes colles arduos facit transcendere vox sonora, hinc præliatores ipsos præcedens cantus subire concitat amara bellorum. Ac ne multis, omne quod duri est operis, quod laboris, dulcis vincit & efficit cantilena. Sic nos fratres Quadragesimæ ieiunio cantica diuina iungamus vt abstinentiæ pondus cælestis temperet, & subleuet symphonia, prouocante nos ad hæc Davide beato